


Van alles gèt

Gats, Gruuzesjtraot, Veursjtàd en de rès

Vanoet mien laezinge van de aafgeloupe jaore zeen vööl nuuj lòsse sjtökskes te veursjien gekòmme, die de muijte waerd zeen om vas te lègke. Ich denk daobie aan òngerwerpe es zoeave, kaffees, broërieë, toebak, biename, Jùdde, baevaarte, beroepe, petikke en zo wiejer. De intensie waar aanvankelijk om drie sjtraote oet te wirke mit et oug op ein wanjeling in en ròndj dees sjtraote, te weite de Gàts, Gruuzesjtraot en Veursjtàd. Peter Sjölppe maakde mich aevel attent op ein ongesorteierd en mer hauwf gedateierd arsziejke van Zef Wulms in et sjtadsarsjief. Dat hauw zovööl nuuj informaase, die ich allein via ein laezing koos verdùtsje, dat ich in euverlegk mit Marijke en René besjlaote höb om de ròndjgank om te zètte in ein laezing en de ròndjgank apaart in de toekòms te hauwte bie voldoende belangsjtelling. Dit hauwte veer in gedach. Daoveur kènt geer dan inteikene, mer dat wùrt, es God bleif, 2018.



De wichtigste te behanjele thémaas van vanaovend waere de drie genuimde sjtraote woovan de Tip Top de bewoonesj van 1870-1880 en vanoet de hoesnòmmering van de gemeente 1905-1915 in chronologische volgorde per hoesnòmmer opgeteikend haet, mit vöölal hun sjtiele en sjpissiale kènmirke, en hun biejnaame ! In de meiste gevalle gouf hae neit aan waat zien brònne gewaes zeen, mer de gegaeves zeen zo sjoon, dat ich ze uch niet wil onthauwte, al zeen ze mesjiens niet 100 %



betroewbaar.

Op losse sjtökskes pepier noteierde hae al ziene kènnis euver de horekalokalteite tiedes zien langk laeve mit de hööm bekende

bezùnjërheede en greep trök op veurig òngerzuik van beveurbeeld Tam Jonkergouw.

In de Gats blieve veer sjtilsjtaon bie waat veur et Mariapark dao is gewaes, en gaon dan oppe Auwe Mert nao de euverkantj nao Bazzeliek en auwt gashoes. In de Gruuzesjtraot bit Mieneke Zinke de sjpits aaf en laote os daonao verràssje door vöölerlei (bie)naame en sjtiele, die de bewoonesj hauwe.




De Sjteivig, noe Veursjtad genaamp, levert eine nuuje broeër op van ein bekende Zittesje femieje, geef eine inkiek in de sinnemawelt veur de kòms van Forum en Luxor en tuint de gruuj en verdwiene van ein richtige Zittesje middesjtènjer.

Dertössjedoor löp eine hånjelaer in alternatieve genaesmiddele òppe Wal en twee leede van zeer goud aangesjreeve femiejes, die veurtrèkkesj waore in waat noe ès "maagere Hein goud"

besjouwd wùrt, mer die de sjtad ein groot hart toedrouge !

En Zouave en Judde waore tössje 1870 en 1940 neit allein volledig geïntegreierd in de zittesje saamelaeving, mer ze woonde gesjpreid euveral in de auw bènesjtad, zònger dat ze es Judde ein ekzaame haufde te doon om te bewieze dat ze eine van òs wouwe zeen. En zie wirkde toen al saame mit eine van Gelaen om ein sjoon sjtòffeiering in hunne tèmpeel te kriege.



En de middeleeuwse herberge

waore neit kepot te kriege en veural es ze oetgebaat woorte door de burgerlikke euverheede, die waal wòste wo Abraham de mòsterd vandaan haolde !!

Dank mòt ich brènge aan versjeie Zitterder die mich de waeg hóbbe geweeze !

Ich wùnsj uch eine sjoone aovend toe!

Jos Engelen